



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE UNTUK MAKLUMAN :

Y.B. MENTERI

Y.B. TIMBALAN MENTERI

Y.BHG. KSU

Y.BHG. TKSU (PDN)

Y.BHG. TKSU (PUP)

SETIAUSAHA AKHBAR

23 DISEMBER 2021 (KHAMIS)



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE (KPDNHEP)

23 DISEMBER 2021 (KHAMIS)

KPDNHEP tumpaskan aktiviti proses, simpan kartrij percetakan tiruan

PUTRAJAYA - Seramai dua pekerja lelaki warga asing ditahan dalam serbuan di sebuah rumah yang disyaki menjadi tempat memproses dan menyimpan kartrij percetakan tiruan jenama terkenal di Bandar Botanik, Klang pada 15 Disember lalu.

Pengarah Penguat kuasa Kementerian Perdagangan Dalam Negeri dan Hal Ehwal Pengguna (KPDNHEP), Azman Adam berkata, pihaknya turut merampas 79 unit kartrij percetakan, 1,815 unit pelekat hologram dan 120 unit cip pintar pelbagai jenama bernilai RM41,724 dalam serbuan pada jam 1.20 petang.

"Serbuan dilakukan berikutan aduan yang diterima daripada wakil cap dagangan berdaftar terbabit berhubung penjualan produk kartrij percetakan jenama terkenal di premis itu," katanya dalam kenyataan pada Rabu.

Menurut Azman, ketika serbuan, seramai dua pekerja sedang melakukan kerja-kerja pembungkusan kartrij percetakan tersebut dipercayai untuk dipasarkan sekitar Lembah Klang.

"Kediaman itu dijadikan tempat memproses, membungkus dan menyimpan barangan terbabit dipercayai untuk mengaburi pihak berkuasa," katanya.

Beliau memberitahu, hasil pengecaman awal daripada



Penguat kuasa KPDNHEP menahan dua lelaki dan merampas 79 unit kartrij percetakan tiruan jenama terkenal di Bandar Botanik, Klang pada 15 Disember lalu.

wakil pengadu mengesahkan bahawa kesemua produk tersebut disyaki tiruan berdasarkan ciri-ciri yang ada pada pembungkusan kartrij percetakan terbabit.

"Kita turut menyita beberapa dokumen perniagaan lain untuk siasatan lanjut," jelas beliau.

Azman berkata, kes disiasat di bawah Seksyen 102(1)(c) Akta Cap Dagangan 2019.

"Kita memberi amaran kepada semua peniaga agar sen-

tiasa mematuhi perundangan yang dikuatkuasakan termasuklah dengan tidak menjual barangan tiruan seumpama ini bagi mengelak dikenakan tindakan yang tegas di bawah peruntukan undang-undang.

"Pengguna juga dinasihatkan agar sentiasa berhati-hati di dalam melakukan pembelian terutamanya berkaitan kartrij percetakan ini kerana dikhuatiri boleh mengakibatkan kerugian selain mengancam keselamatan pengguna," katanya.

KPDNHEP serbu premis jual minyak wangi tiruan

PUTRAJAYA - Kementerian Perdagangan Dalam Negeri dan Hal Ehwal Pengguna (KPDNHEP) menyerbu sebuah premis yang disyaki menjual minyak wangi tiruan di Jalan Klang Lama, Kuala Lumpur serta merampas 13,577 unit produk berkenaan bernilai kira-kira RM117,435, baru-baru ini.

Pengarah Penguat Kuasa KPDNHEP, Azman Adam berkata, operasi pada 14 Disember itu dilakukan susulan aduan diterima daripada wakil cap dagangan Global Trade Shields (GTS) berhubung penjualan produk wangian pelbagai jenama terkenal.

Ketika serbuan, lapan pekerja sedang membungkus minyak wangi dipercayai untuk dipasarkan di Semenanjung secara dalam talian dan pemeriksaan lanjut turut menemui sebuah stor simpanan di premis berkenaan yang menempatkan

pelbagai jenis dan jenama produk wangian badan.

"Hasil pengecaman awal daripada wakil pengadu, mereka mengesahkan bahawa kesemua produk tersebut adalah tiruan berdasarkan ciri-ciri yang ada pada pembungkusan minyak wangi terbabit," katanya dalam kenyataan pada Rabu.

Beliau memberitahu, kesemua minyak wangi tiruan itu bersama beberapa dokumen perniagaan disita untuk siasatan lanjut manakala lapan pekerja dan seorang pemilik perniagaan yang kesemuanya warga tempatan ditahan bagi membantu siasatan.

"Kes disiasat di bawah Seksyen 102(1)(c) Akta Cap Dagangan 2019 iaitu sesiapa mempunyai dalam milikan, jagaan atau kawalannya bagi maksud perdagangan atau pengilangan apa-apa barang suatu cap dagangan berdaftar dipakaikan dengan salah," katanya. - *Bernama*

Rampas 13,577 minyak wangi tiruan

Kuala Lumpur: Kementerian Perdagangan Dalam Negeri dan Hal Ehwal Pengguna (KPDNHEP) merampas 13,577 minyak wangi tiruan pelbagai jenama bernilai RM117,435 dalam serbuan di sebuah premis di Jalan Klang Lama di sini.

Pengarah Penguat Kuasa KPDNHEP Azman Adam berkata, serbuan itu dijalankan jam 1.45 tengah hari, 14 Disember lalu oleh sepasukan empat penguat kuasa diketuai Mohd Aizamie Namami.

Katanya, tindakan diambil susulan aduan wakil cap dagangan Global Trade Shields (GTS) berhubung penjualan produk wangian pelbagai jenama terkenal.

"Ketika serbuan, lapan pekerja membungkus minyak wangi dipercayai tiruan untuk pasaran Semenanjung, dengan produk dijual secara dalam talian.

"Pemeriksaan mendapati ada stor di dalam premis itu yang menempatkan pelbagai jenis dan jenama produk wangian.

"Hasil pengecaman wakil pengadu mengesahkan semua produk itu tiruan berdasarkan ciri pembungkusan minyak wangi terbabit," katanya dalam kenyataan, semalam.

Azman berkata, semua 13,577 minyak wangi bernilai RM117,435 disita bersama beberapa dokumen perniagaan untuk siasatan.

"Lapan pekerja dan seorang pemilik perniagaan yang juga warga tempatan ditahan untuk membantu siasatan mengikut Seksyen 102(1)(c) Akta Cap Dagangan 2019.

"KPDNHEP memberikan



ANGGOTA penguat kuasa KPDNHEP membuat pemeriksaan terhadap minyak wangi yang ditemui di sebuah premis di Jalan Klang Lama, Kuala Lumpur.

amaran kepada semua peniaga supaya sentiasa mematuhi undang-undang termasuk tidak menjual bara-

ngan tiruan.

"Pengguna juga dinasihatkan supaya berhati-hati dan membuat pemeriksaan

sebelum membeli secara dalam talian agar tidak terpedaya dengan taktik jualan barangan tiruan," katanya. W



PENGUAT Kuasa KPDNHEP memeriksa minyak wangi tiruan di Jalan Klang Lama, Kuala Lumpur baru-baru ini.

8 ditahan ketika proses minyak wangi tiruan

PUTRAJAYA – Lapan orang termasuk seorang pemilik syarikat ditahan dalam satu serbuan di sebuah premis disyaki menjual minyak wangi tiruan di Jalan Klang Lama dekat sini baru-baru ini.

Pengarah Penguat Kuasa Kementerian Perdagangan Dalam Negeri dan Hal Ehwal Pengguna (KPDNHEP), Azman Adam berkata, operasi pukul 1.45 petang itu susulan aduan wakil cap dagangan Global Trade Shields (GTS).

Katanya, ketika serbuan kesemua lapan warga tempatan itu sedang sibuk membungkus minyak wangi dipercayai untuk pasaran sekitar Semenanjung Malaysia yang dijual secara dalam talian.

"Pemeriksaan lanjut menemui sebuah stor simpanan berada di dalam premis itu yang menempatkan 13,577 unit minyak wangi pelbagai jenama.

"Hasil pengecaman awal daripada wakil pihak pengadu juga mengesahkan bahawa kesemua produk tersebut adalah tiruan berdasarkan ciri-ciri yang ada pada pembungkusan minyak wangi terbabit," katanya dalam satu kenyataan semalam.

Azman berkata, nilai rampasan dianggarkan berjumlah RM117,435 dan kes disiasat mengikut Seksyen 102(1)(c) Akta Cap Dagangan 2019 yang memperuntukkan hukuman denda RM15,000 jika suatu pertubuhan perbadanan.

Senarai Harga Barang Keperluan	
• Ayam	RM7.99
• Daging Lembu Tempatan	RM40
• Daging Lembu Import	RM28
• Telur Gred A	RM12.30
• Ikan Kembung	RM10.99
• Minyak Masak	RM6.50
• Gula Pasir	RM2.85
• Bawang Besar Holland	RM2.49
• Bawang Putih	RM5.50
• Cili Merah	RM9.90
• Kubis Bulat Tempatan	RM2.79
• Tepung Gandum	RM2.20

*Harga (RM/kg) Sumber: KPDNHEP

	New fuel prices Dec 23 – Dec 29
RON95	RM2.05 (unchanged)
RON97	RM2.99 (-1 sen)
DIESEL	RM2.15 (unchanged)